



Rustenburg sit skouer aan die wiel vir Mihla

Sonskynkind met 'n seldsame siekte



Gholfdag vir Mihla, van links: Lizan Behrens, organiseerder; Yolanda Bredenkamp, organiseerder; Regard Moolman en Sord Jansen van Rensburg, gholf spelers; en Deirdre Janssen, organiseerder.



Vriende van die Engelbrecht-gesin het skouer aan die wiel gesit en 'n 'Hart van Goud' kompetisie aangebied ter fondsinsameling vir Mihla by die Platinum Square Mall in Rustenburg op 30 September.



Die dames betrokke by die registrasie en organisering van die gholfdag, van links: Berna le Roux, Deirdre Janssen en Janca Pelser.



Mihla Engelbrecht, sonskynkind met 'n seldsame siekte. Die foto is 'n paar maande gelede geneem.



True Blue Training in Rustenburg wil graag van die geleentheid gebruik maak om vir Yolanda Bredenkamp te bedank dat hul deel kon wees as 'n borg op die gholfdag 29 September.

Rustenburg – Mihla Engelbrecht is 'n baie spesiale klein mensie wat op 22 Julie met 'n baie seldsame soort breinkanker gediagnoseer is. Sy is tans 3 jaar oud, maar word op 14 November vanjaar 4. Sy is sonnig en vol energie. Sy is 'n regte babbelbekkie en baie lief vir haar maatjies en mense, en sy is haar mamma en pappa, Shani en Rudo Engelbrecht, se enigste kind. Mihla is gediagnoseer met Serebrale Neuroblastoom (*Cerebral Neuroblastoma*). Sy het nog nooit enige simptome gehad nie, al haar mylpale behaal en was gesond. Sy het net een dag gekla dat haar koppie seer is en opgegooi. Haar ouers het haar na hulle huisdokter toe geneem, wat haar vir veiligheid opgeneem het in die hospitaal op 3 Julie. Hulle het dieselfde aand 'n CT scan gedoen en 'n groot massa op haar brein gekry, sy moes die volgende dag, op 4 Julie, op haar mamma se verjaarsdag breinchirurgie ondergaan. Sy het weer 13 Julie chirurgie ondergaan om haar wond op haar koppie toe te maak. "Ons het op 22 Julie uitgevind dat haar gewas kwaadaardig is. 'n Serebrale Neuroblastoom, 'n ongelooflike skaars bringewas is bevestig. So skaars dat net 1 uit 'n miljoen kinders dit sal kry en dat die pediatriese onkoloë eerlik sê hul het dit nog nooit gesien nie. Sy is daarmee gebore. Dit is vir ons 'n baie groot skok," sê mamma Shani.

"Die woord kanker het vir ons gesin van drie 'n nuwe wêreld laat oopgaan. Mihla kry nou chemo-terapie omdat sy te klein is vir radiasie. Die primêre behandeling is eintlik volbrein en vol spinale radiasie, maar omdat dit soveel nuwe-effekte het, doen ons nou eers voorkomende chemo. Haar chemo protokol is rof, en sal tot ongeveer einde 2018 duur. In die tussentyd val dit haar immuunstelseltjie aan en mag sy nie skool toe of na partytjies toe gaan nie. Sy is by Unitas hospitaal onder 'n puik span pediatriese onkoloë. Ons wil haar vir die radiasie na die chemo Amerika toe neem omdat hulle beter tegnologie in terme van radiasie het, wat minder skade aan Mihla se brein sal doen," voeg Shani by. Mihla woon tans in Rustenburg. Die Rustenburg gemeenskap is vol medelye vir die Engelbrecht gesin. "Die ondersteuning wat ons ontvang is ongelooflik. Van haar fantastiese skool Platinum Sterre wat 'n partytjie spesiaal vir haar gehou het tot Pienkvoet Pret wat finansiële bydra tot haar behandeling. Haar klasmaatjies se families vir ongelooflike liefde en steun. Vriende en familie en die hele gemeenskap wat ons nederig op ons knieë laat dankie sê vir al die gebede en liefde. Haar ekstra klassies soos Audiblox wat die terapeute gratis na ons huis toe stuur. Ek sou nooit kon dink dat mense so uit hul pad sal gaan om jou pad gelyk te maak nie," sê Shani. Hierdie dapper dogtertjie het sedert haar diagnose op 22 Julie

al 'n hele paar rondtes chemo ontvang. Die chemo maak haar siek en moeg en haar haartjies het alles uitgeval, wat 'n groot seer is vir 'n dogtertjie-hart. Gelukkig het haar Mamma en Pappa ook hulle hare geskeer en lyk die drietjies ewe dapper. Daar is vir Mihla 'n Nedbank 4 Me rekening oopgemaak, met die doel om nou al te begin spaar/ fondse bymekaar te kry vir haar radiasie en terapie. Dit is ongelooflik duur in dollars, maar die gesin weet dit is iets wat hulle MOET doen. **Indien u finansiële kan bydra, kan geld in die volgende rekening gedeponeer word:**

- **Mihla Engelbrecht**
- **1151747831**
- **10841000**
- **Nedbank4Me Current Account**

Die gemeenskap loads ook nou verskeie fondsinsamelingsprojekte om vir klein Mihla te help gesond maak. Vir meer navrae epos shanipelser@gmail.com en volg haar facebookblad vir nuus oor die behandeling en hoe dit met haar gaan en gebedsversoeke <https://www.facebook.com/mihlamensie/>. Die Engelbrecht-gesin bedank die gemeenskap vir die kompetisie by die mall en die gholfdag ter fondsinsameling vir klein Mihla; "Ons is uiters dankbaar vir almal se omgee vir ons dogtertjie".

Send your event listing to news@platinumweekly.co.za ** Free Placement!



PLATINUM EVENT DIARY

EVENT NAME	DATE	VENUE	CONTACT NO	EMAIL / WEBSITE
Public lecture with Judge Lebotsang Ronnie Bosielo on 'the meaning and application of the constitution to ordinary citizens'	14 Oct '17	RTB: Luka Community Auditorium	071-869 9457	lukasportsinstitute@gmail.com
"Dream Days" at Honda Rustenburg	14 Oct '17	RTB: Honda Rustenburg	014-940 1142	sales3@hondarustenburg.co.za
The Luka Sports Institute Sports	14 Oct '17	RTB: Luka Community Auditorium	071-869 9457	lukasportsinstitute@gmail.com
Jeugkunstefeess	14 Oct '17	RTB: Huis Sering	014-592 1124	sering@residentia.co.za
Onbeskaamd	15 Oct' 17	RTB: Agapé Gemeente	014-537 2337	office@agape.za.org
BirdLife Rustenburg October Meeting	16 Oct' 17	RTB: Methodist Church	082-745 6679	geoff2@mweb.co.za
TSKKIA Karate: TSKKIA All Styles Competition	17-19 Oct '17	RTB: Methodist Church (Unie St)	082-463 1073	tskkia@gmail.com
Dis-Chem Sun City Swim	21 Oct '17	RTB: Sun City Resort	063-665 9706	info@suncityswim.co.za